



Inuit Ataqaatigiit sinnerlugit Inatsisartuni ilaasortat suleqatigiit

§ 37 naapertorlugu Parisimi isumaqatigiissutit pillugit apeqqutinut akissutit

Asasakka Inuit Ataqaatigiit sinnerlugit Inatsisartuni ilaasortat suleqatigiit

13. novembari 2020-mi § 37 naapertorlugu Parisimi isumaqatigiissutit pillugit apeqqummik nr. 194-imik apeqquteqaateqarsimavusi. Apeqqutit uannut akineqartussanngortinneqarsimapput.

Akissuteqarnissamut Ilisimatusarnermut Avatangiisinullu
Naalakkersuisoqarfimmit, Aatsitassanut Inuussutissarsiuteqarnermullu
Naalakkersuisoqarfimmit, Aalisarnermut, Piniarnermut Nunalerinermullu
Naalakkersuisoqarfimmut aamma Naalakkersuisut Siulittaasuata
Naalakkersuisoqarfianit isummersuutissanik pissarsiniartoqarsimavoq.

Apeqqut 1:

**Aningaasartuutit suut Parisimi isumaqatigiissummut ilaalernissamut
attuamassuteqarpat? Ilanngunnermilu ingerlatat suut
a. kallarneqaratarsinnaappat?**

Akissut:

Parisimi isumaqatigiissutinut ilaalernissami aningaasartuutit susassaqaarfiillu eqqugaasussat sordiaanersut pillugit ullutsinnut naleqquttunik Naalakkersuisut paasissutissaateqanngillat.

Apeqqut 2:

**Nunatsinni CO₂-mik aniatitsineq annikillisarnerlugu Naalakkersuisut sunik
suliniuteqarpat?**

Akissut:

Naalakkersuisut Nukimmik Imermillu Pilersuineranut Immikkoortumut Pilersaarut annertoq imaannaanngitsorlu 2030-p tungaanut atuuttusaa akuersissutiginiuuat. Immikkoortumut pilersaarut pingaarnernik pingasunik anguniagaqaarfiuvoq: 1. Innaallagiaq imerlu akikinnerusut. 2. Periarfissaqaarfiani ataavartumik nukissiuutit. 3. Nukissiuutit pillugit immikkoortumik nutarterineq. Anguniakkanullu pingaarnernut anguniakkat aalajangersimasut 35-t anguniagaapput.

Inatsisartut UKA2019-imi (immikkoortoq 153) aalajangiiffigisassatut siunnersuut akuersissutigaa, tassani Qasigiannuanut aamma Aasiannut erngup nukinganik pilersuisussamik erngup nukinganik nukissiorfiliortoqarnissaanik aamma Nuummi erngup nukinganik nukissiorfiup pilersuisuusup allineqarnissaanik suliniuteqaqqullugit Naalakkersuisut peqquneqarput. Suliniutit marluk taakkuupput nunatsinni oqartussat nukimmik pilersuineranni ikummatissat uumassusilinnit pilerfeqartut atorveqartut annertunersaannik atuiunnaarsitsisussat.

Erngup nukinganik nukissiorfiliornissamik suliniutit marluusut taakku pisortat nukimmik pilersuineranni 70 %-it missaanniit 90 %-it missaannut annertusisitsisussat. Ukiut 22-t

ingerlaneranni erngup nukinganik nukissiorfiit, ikummatissanik sipaaruteqarnerit malitsigisaannik, CO₂-mik katillugit 1.398 tusind tonsinik aniatitsinnginnerusinnaasut maannakkut naatsorsuinerit takutippaat.

Eqqakkanik ikuallaavinnit kiammik sunniuteqarluartumik atorluaanissaq Naalakkersuisut sulissutigaat. Kiak eqqakkanik ikuallaanermeersoq ullumikkut nunatsinni sumiiffinni arlalinni ungasianiit kiassaanertut atorneqartussanngorlugu tuniniarneqartarpoq. Taamatuttaaq kommunit ataatsimoorullugu eqqagassalerinermik ingerlatseqatigiiffiutaat Naalakkersuisut tapersersorpaat.

Namminersorluni inuussutissarsiuteqarnermik suliassaqaqfinni suliniutinik arlalinnik nunatsinni CO₂-mik annikinnerusumik aniatitsisoqalernissaanut iluaqutaasussanik suliaqartoqartoq ilanngullugu paasissutissiissutigineqarsinnaavoq.

Apeqqu 3:

Silamut t iliuuseqarnermini, assersuutigalugu imermik nukissiuutinik atuinermigut, Parisimi isumaqatigiissummi anguniakkat piumasaqaatillu Nunatta qanoq qanillattortigivai ?

Akissut:

Nunarput Parisimi isumaqatigiissutimut nunatut ilaanngimmat taamaattumillu nunatsinni annikillisaaqataanissaq pillugu aalajangersaanikuunngimmat nunarput Parisimi isumaqatigiissutinik malinninnissaminut qanoq angusaqartigisimanersoq nalilersorneqarsinnaanngilaq. Parisimi isumaqatigiissutini anguniakkat Naalakkersuisut malinniarpai kisiannili peqataalernikkut nunatsinni siunissami suliffissuaqarnikkut ineriartortitsinissat peqataalernerup akornuserneqarsinnaammata nunarput nunatut ilaanngilaq.

Apeqqu 4:

Parisimi isumaqatigiissutip atsiorneqarnerata kingorna nunap inoqqaavisa pisinnaatitaaffinut inatsisitigut pituttuisumik innersuussinerit sakkukinnerulersinniarlugit Naalakkersuisut suliamik ingerlatsippat, tassunga ilaalluni ineriartornissamut pisinnaatitaaffik?

a. Taamaattoqarpat, Naalakkersuisut suut iliuuseraat?

Sila allanngorarnera pillugu nutaamik isumaqatigiissusiornissaq pillugu suli isumaqatiginninniartoqalinngilaq.

Apeqqu 5:

Qallunaat Nunaanni naalakkersuisunut naalakkersuisuusimasunullu Naalakkersuisut saaffiginnissimappat Kalaallit Nunaata Parisimi isumaqatigiissummut ilaalersinnaaneramik ajornarunnaarsitsisumik Naalagaaffeqatigiinnerup iluani aaqqiissutaasinnaasumik siunertaqarluni oqaloqatigiissuteqarlutik?

Akissut:

Nunarput akisussaaffimmik tigusissasoq aamma gasinik nunarsuarmik kissaatitsigaluttuinnartunik aniatitsinerit annikillisinneqarnissaannut sapinngisaq tamaat suleqataassasoq Naalakkersuisut pingaartippaat. Taamanikkut Naalakkersuisuusut suliambut tassunga 2015-imi decembarimi Parisimi isumaqatigiissuteqartoqarneranik kinguneqartumut timitaliillutik peqataapput. Suliap tamatuma pingaarutaasa ilaattut isumaqatigiissummut

ilaalernissamut inuiaqatigiit aningaasaqarneranni piujuartitsisunik
piumasaqaateqartoqarsinnaanersoq taamanikkut Naalackersuisuusut periarfissanik
misissuipput.

Apeqqu 6:

**Parisimi isumaqatigiisummut ilaalernermit atatillugu Naalackersuisut Savalimmiuni
misilittagarilikkanik pisamut attuumassuteqartunik tikkuussisinnaappat?**

Akissut:

Savalimmiormiut Parisimi isumaqatigiisutitut ilaalerneranni misilittakkat suut pillugit
Naalackersuisut nassuiaatinik pigisaqanngillat.

Apeqqu 7:

**Kalaallit Nunaata Parisimi isumaqatigiisummut ilanngunera nunanut allanut
politikkeqarnikkut inuussutissarsiornermilu sutigut tigussaasunik iluaqutsiisinnaava?**

- a. Assersuutigalugu nunanit allanit aningaasaliisussarsiorneq
ajornannginnerulissava?
- b. Iluaqutissat allat suussappat?

Akissut:

Apeqqu 1-imut akissut innersuussutigineqarpoq.

Apeqqu 8:

**Kalaallit Nunaata Parisimi isumaqatigiisummut ilanngunnissaanut
ilanngutinnginnissaanulluunniit atatillugu nalilersuutit suut allat
isumaliuutersuutigissallugit pillugit Naalackersuisut qanoq isumaqarpat?**

Akissut.

Kyotomi isumaqatigiisummut ilaaneq pissutigalugu nunarput silaannarmik mingutsitsisunik
aniatitat ukiuni 2008-miit 2012-imut pisussaaffeqarfinni siullerni 8 procentinik
annikillisinneqarnissaannut pisussaaffeqalerput, tassa imaappoq nunarput CO₂-mik 13,6 mio.
kr.-t missaannut akiligassarsariaqalerneranik, nunatta CO₂-mik aniatitat 8 procentinik
annikillisinnissaannut pisussaaffimmik naammassinnissinnaannginneranut taartaasussanik.

*Ukiuni aggersuni nunarput amerlanerusunik aningaasaliisuteqartartussaasoq Aatsitassanut
Inuussutissarsiuteqarnermullu Naalackersuisoqarfimmit paasissutissiisutigineqarpoq.
Mittarfiliortiternissanut arlalinnillu akunnittarfiliortiternissanut aningaasaliinerit saniatigut
ilaatigut aatsitassarsiornerit aamma namminersorlutik inuussutissarsiuteqartut
suliniutigisinnaasaat allat aningaasaliiffigineqartussaapput nunatsinni CO₂-mik
aniatitsinernik annertusititsisinnaasut. Taamaattumik ukiuni aggersuni aningaasaliinissat suut
aamma CO₂-mik aniatitsinerit suut aningaasaliiffigineqartussat qanoq kinguneqarumaarnerat
pillugit qulaajaasoqartariaqarpoq. Aningaasaliinerit, assersuutigalugu tunisassiorfimmut
CO₂-mik annertunerusumik annikinnerusumilluunniit aniatitsisumut, ilutigalugit
assersuutigalugu aningaasaliiffigisani tamakkunani nunatsinni CO₂-mik aniatitsinerit
malunnartumik annikillisinnaanersut killilerneqarsinnaanersulluunniit qulaajaaffigissallugit
aamma attuumassuteqarsinnaavoq.*

Naalackersuisut amerlanerusunik oqaaseqaatissaqanngillat.

Inussiarnersumik inuullaqqusillunga



Steen Lyngé

Nunanut Allanut Nukissiuuteqarnermullu Naalakkersuisoq